

## Забидий / ВАҲИЙНИНГ БОШЛАНИШИ КИТОБИ / 397-ҳадис

397/670 – عَنْ أَنَسٍ رَضِيَ اللَّهُ عَنْهُ قَالَ: قَالَ رَجُلٌ مِنَ الْأَنْصَارِ: إِنِّي لَا أَسْتَطِيعُ الصَّلَاةَ مَعَكَ، كَمَا كَانَ رَجُلًا ضَخْمًا، فَصَنَعَ لِلنَّبِيِّ صَلَّى اللَّهُ عَلَيْهِ وَسَلَّمَ طَعَامًا، فَدَعَاهُ إِلَى مَنْزِلِهِ، فَبَسَطَ لَهُ حَصِيرًا، وَنَضَحَ طَرْفَ الْحَصِيرِ، صَلَّى عَلَيْهِ كَرَّعَتَيْنِ، فَقَالَ رَجُلٌ مِنْ آلِ الْجَارُودِ لِأَنَسٍ: أَكَانَ النَّبِيُّ صَلَّى اللَّهُ عَلَيْهِ وَسَلَّمَ يُصَلِّي الضُّحَى؟ قَالَ: مَا رَأَيْتُهُ صَلَّى إِلَّا يَوْمَئِذٍ.

397.670 Анас розияллоху анху айтади:

«Ансорийлардан бир киши (Расулуллоҳ соллаллоху алайҳи васалламга:) «Мен сиз билан бирга намоз ўқий олмаяпман», деди. У жуда семиз киши эди. Кўп ўтмай у Набий соллаллоху алайҳи васаллам учун таом тайёрлаб, уйига чақирди. Бўйра тўшади ва бўйранинг бир тарафига сув сепди. У зот унинг устида икки ракат намоз ўқидилар».

Жорудлар оиласидан бир киши Анасдан: «Набий соллаллоху алайҳи васаллам зуҳо намозини ўқиганмидилар?» деб сўради. «Бундан бошқа кунни уни ўқиганларини кўрган эмасман», деди.

**Изоҳ:** Уламолар «Анас розияллоху анхунинг бир ўзлари Набий алайҳиссаломнинг зуҳо намози ўқиганларини бир марта кўрганлари бу намознинг бошқа пайтда ўқилмаганлигига далил бўла олмайди», дейишган. Пайғамбар соллаллоху алайҳи васаллам Маккага борганларида Умму Ҳониъ розияллоху анҳоникида зуҳо намозини ўқиганлари маълум ва машҳур.

Манба: [hadis.islom.uz](http://hadis.islom.uz)



HADIS.ISLOM.UZ  
NUBUVAT MARVARIDLARI

